



Broj: 10/E-11-4720/26
Sarajevo, **07-09-2026**, godine

Na osnovu člana 214. Zakona o upravnom postupku („Službene novine Federacije BiH“, br. 2/98, 48/99 i 61/22), postupajući po službenoj dužnosti radi otklanjanja propusta u Odluci o izboru najpovoljnijeg ponuđača u postupku javne nabavke usluga pranja i vulkanizerske usluge za motorna vozila u vlasništvu Općine Centar Sarajevo, putem konkurentnog zahtjeva za dostavu ponuda, na prijedlog Kabineta općinskog načelnika – Odsjeka za javne nabavke, Općinski načelnik donosi

DOPUNSKU ODLUKU o izboru najpovoljnijeg ponuđača

- I. Ovom Odlukom vrši se dopuna Odluke o izboru najpovoljnijeg ponuđača, broj: 10/E-11-4720/26 od 01.09.2026. godine, donesene u postupku javne nabavke usluga pranja i vulkanizerske usluge za motorna vozila u vlasništvu Općine Centar Sarajevo, putem konkurentnog zahtjeva za dostavu ponuda, Obavještenje o nabavci broj: 848-7-2-133-3-191/26 od 14.8.2026. godine.
- II. U Odluci o izboru najpovoljnijeg ponuđača, broj: **10/E-11-4720/26** od **01.09.2026. godine**, iza tačke II dodaje se tačka III koja glasi:

„Izabrani ponuđač dužan je, dokaze iz tačke 7.1. za tačku a) TD (Lična sposobnost), u skladu sa članom 45. Zakona o javnim nabavkama, dostaviti na protokol ugovornog organa (originalne ili ovjerene kopije) najkasnije u roku od 5 (pet) dana od dana prijema ove Odluke, i to:

- Uvjerjenje/potvrda nadležnog suda prema sjedištu ponuđača, kojim dokazuje da mu u krivičnom postupku nije izrečena pravosnažna presuda kojom je osuđen za krivična djela učešća u kriminalnoj organizaciji, za korupciju, prevaru ili pranje novca;
- Uvjerjenje/potvrda izdato od strane Suda BiH (ul. Kraljice Jelene broj 88 Sarajevo).

III. Dosadašnja tačka III postaje tačka IV, a dosadašnja tačka IV postaje tačka V.

IV. U preostalom dijelu, Odluka o izboru najpovoljnijeg ponuđača, broj: 10/E-11-4720/26 od 01.09.2026. godine, ostaje u cijelosti neizmijenjena i u potpunosti na snazi.

V. Ova Dopunska odluka stupa na snagu danom donošenja i objavit će se na internet stranici Općine Centar Sarajevo (www.centar.ba) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakonom o javnim nabavkama.

O b r a z l o ž e n j e

Općinski načelnik, kao rukovodilac ugovornog organa Općine Centar Sarajevo, na preporuku Komisije za nabavku roba, usluga i radova II, donio je Odluku o izboru najpovoljnijeg ponuđača broj: 10/E-11-4720/26 od 01.09.2026. godine, u postupku javne nabavke usluga pranja i vulkanizerske usluge za motorna vozila u vlasništvu Općine Centar Sarajevo.

Nakon donošenja navedene odluke, uočeno je da je nenamjernim propustom izostavljeno navođenje obaveze dostavljanja dokaza po članu 45. Zakona o javnim nabavkama od strane izabranog ponuđača.

Naime, izabrani ponuđač je u svojoj ponudi dostavio Izjavu po članu 45. Zakona o javnim nabavkama, i uz istu dostavio dokaze u skladu sa članom 45. Zakona i to za tačku 7.1. podtačke b), c) i d) izuzev za podtačku a).

Uvidom u Odluku o izboru najpovoljnijeg ponuđača broj: 10/E-11-4720/26 od 01.09.2026. godine utvrđeno je da izabranom ponuđaču nije utvrđena obaveza niti određen rok za naknadnu dostavu dokaza po članu 45. Zakona o javnim nabavkama za tačku 7.1. pod a), a koje se odnose na sljedeće:

- Uvjerjenje/potvrda nadležnog suda prema sjedištu ponuđača, kojim dokazuje da mu u krivičnom postupku nije izrečena pravosnažna presuda kojom je osuđen za krivična djela učešća u kriminalnoj organizaciji, za korupciju, prevaru ili pranje novca;
- Uvjerjenje/potvrda izdato od strane Suda BiH (ul. Kraljice Jelene broj 88 Sarajevo).

S obzirom na navedeni propust, a u cilju pravilnog provođenja postupka javne nabavke i primjene člana 45. Zakona o javnim nabavkama, ugovorni organ je dužan da donese dopunsku odluku kojom će se otkloniti navedeni nedostatak i izabranom ponuđaču ostaviti rok za dostavu traženih dokaza, zbog čega je odlučeno kao u dispozitivu ove Dopunske odluke.

Budući da se radi o elementu koji predstavlja sastavni dio Odluke o izboru, broj: 10/E-11-4720/26 od 01.09.2026. godine, a koji pritom ne mijenja suštinu izbora najpovoljnijeg ponuđača niti konačni prijedlog Komisije za nabavku roba, usluga i radova II (koja je izvršila pregled, ocjenu i bodovanje), Općinski načelnik je na osnovu prijedloga Odsjeka za javne nabavke i zakonskih ovlaštenja donio ovu Dopunsku odluku kako bi se otklonio navedeni nedostatak.

Članom 214. stav (1) Zakona o upravnom postupku („Službene novine Federacije BiH“, br. 2/98, 48/99 i 61/22) propisano je:

„Ako nadležni organ nije rješenjem odlučio o svim pitanjima koja su bila predmet postupka, on može, po prijedlogu stranke ili po službenoj dužnosti, donijeti posebno rješenje o pitanjima koja već donesenim rješenjem nisu obuhvaćena (dopunsko rješenje).“

U konkretnom slučaju, akt koji se dopunjava nosi naziv „Odluka“ u skladu sa Zakonom o javnim nabavkama, ali on po svojoj prirodi ima sva obilježja rješenja u upravnom postupku. Njime je riješena konkretna upravna stvar koja je predmet postupka u smislu člana 200. Zakona o upravnom postupku, te sadrži oblik i sve sastavne dijelove rješenja propisane članom 204. istog zakona (naziv organa, broj i datum, uvod, dispozitiv–izreku, obrazloženje, pouku o pravnom lijeku, potpis ovlaštenog lica i pečat organa).

Cijeneći naprijed navedeno, a u cilju zakonitog i potpunog okončanja postupka predmetne javne nabavke, odlučeno je kao u dispozitivu ove Dopunske odluke.

Imajući u vidu navedeno, a primjenom člana 214. stav (1) Zakona o upravnom postupku, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba ugovornom organu u roku od 10 (deset) dana od dana njenog prijema. Žalba se podnosi u pisanoj formi, u skladu sa članom 99. Zakona o javnim nabavkama.



Dostaviti:

1. Ponuđaču: „TAMEK-SON COMPANY“ d.o.o. Sarajevo
Ulica Drinska broj 164, 71000 Sarajevo
2. Službi za zajedničke i tehničke poslove
3. Kabinetu općinskog načelnika – Odsjek za javne nabavke
4. Službi za finansije
5. U spis